

劉兆祐博士主編
中國史學叢書三編

兵

政

紀

畧

(二)

臺灣學堂書局 印行

劉兆祐博士主編
中國史學叢書三編

兵
政
紀
畧
(二)

臺灣學生書局 印行

兵政紀畧卷之十

豐城李材孟誠甫著

宜興俞士章汝成甫梓

金谿王民順道服甫輯

高平之忠甫校

嶺西

經畧

移會張總兵及時剿捕

照得曩緣倭寇三夥合宗兼以誘脅亂從之
民衆及數千勢甚猖獗此則我兵之勢當合

蓋非敦陣整旅十倍其衆必無以震聳兇渠
也。卽承總鎮親督大兵力挫賊鋒大收全凱
殘醜遺孽膽喪魂消十百為群四出逃潰此
則我兵之勢當分蓋非多遣塘報探定賊踪
分發裨偏乘勝剿捕必且再淹時月收合散
亡流毒無已久無以速取全功也。為今之計
鎮府大帥合無劄橫山與本道專劄石城互
相犄角分發叅將陳濠把總謝潮楊桂許成
為四大哨令其各剿一枝鎮府定以哨道授

以方畧本道分遣

旗牌隨軍督察限在五日之前各奏蕩平之功
觀望踈虞者自有

國家明憲鎮府司之本道任之要以保寧地方
不容阿徇為此合用手本前去總兵張 煩
為查照事理部分嚴密施行

隨軍給賞行委雷州府通判黃崇慶

照得本道以海北殘民無非赤子不復拘守
信界白石城敗賊之後隨督大兵馳詣遂溪

敗賊烏舉續以徐聞報急復由遂溪徑抵雷
州此自人臣致身事

主之義士君子同體自不容已之心即胼手胝
足焦心竭思無一非其分內惟是軍前用度
兩道勢難通融蓋雷陽誠為凋敝而嶺西州
縣殘破猶有百倍於雷陽也自入遂溪轉瞬
之間便是十日一切報警報功遣探勞來諸
費取給携持未皇銖兩今司計李推官告報
竭矣該本道看得地分既屬海北理合資取

雷陽雖計數不至甚多非本地專官於異日稽查亦殊為未便也除行府支取堪動官銀及將海北道未報贓罰買造牌紅聽給外為此牌仰雷州府通判黃崇慶即便隨同本道收掌前項牌銀聽候不時支取本道已經定立法程刊刻小票印候填名就令本役親齎照數給發事近瑣細頗亦無勞適此艱難理須共濟毋以隔道之故輒便為推諉云爾也所有刊定規程具存在案併抄遵守庶便稽

查俱毋違錯

申督伏剿倭賊移遊擊丁

照得軍門遠調將軍董率銳師前來嶺海夾
剿倭寇昨該本道預策賊遁若不上越欽廉
入山候汛則必下走陽電沿海掠船河頭墟
要地也專屬將軍取道邀擊將軍不以會剿
大賊為事乃以鵬擊零寇為功兵至石城還
向博白賊果越出河頭墟矣堵截無人往矣
無可悔即今大兵取道遂溪意將遶出賊前

於里八山地面埋伏以待蓋此又賊下走石
城上趨永安之要路也只恐大兵行遲未能
瞬息便到為此合用手本前去廣西遊擊將
軍丁煩為兼程督率部下弩手官兵前至
里八山預先埋伏候賊到日奮勇剿殺以收
全功仍多方遠遣哨探毋致臨期有悞

移促陳參將探賊剿殺

節據哨探舍人張澄稟報賊已分宗一夥得
船越海為水兵所截退回地名白水塘一夥

二百四十餘徒由羊角埔遁向橫山入永安
界內官兵擁衆只隔一小澗任賊經行竟不
出擊此雖合十萬之兵亦何補於截捕乎且
越廉州者固當剿而還雷陽者亦不可縱也
為此合用手本前去叅將陳 煩為查照事
理即將所部官兵馳回雷州探賊回還所劄
地面協同把總謝潮併力剿殺務期盡絕以
安地方至緊至緊

督勵將士行把總謝潮楊桂許成等

照得賊劉龍膜將領等觀望不能剿賊已奔遁將領等越宿不能知不但無攻擊之能哨探之不明也亦已甚矣不曉所幹何事且賊營兵營相去四十餘里既欲乘賊之遁又不擡營逼賊豈有往返八十里而可以追亡逐北者乎此皆易見之事而將領者固不悟也當局者迷固如此乎往恨不足言即辰邀賊若不鼓倡士心奮勇一戰以收蕩平之績靖嶺海之氛是上負

主恩下孤民望使本道徒殫血誠終置之無所用也惟各將領共體之毋煩再囑

關廣西蒼梧道防倭

近該本道監統大兵追剿嶺海合宗大夥倭寇初敗之於遂溪之烏魯二月十五日又敗之於永安所之冊兜賊徒膽顫魂消四出逃潰除在化州石城地面者見督官兵尅限勦絕外據報走陸川縣之高山地面者約賊九十餘徒走博白者約賊二百七十餘徒誠恐

彼地無聞未經戒嚴不無貽害除行梧州府
及博白陸川北流等縣各督發官兵分投堵
截及加謹城守起集弩手鄉夫於隘路菁林
伏塘剿殺仍各多備米糧倭奴兇狡計恐西
師難與為敵不免再煩大衆之追剿也其沿
江一帶地方無論汊港小埠併行巡捕官將
船隻絕流禁斷一入舟中乘水順驅流毒無
已此其關係重大尤有十倍於入山也為此
合關貴道煩為查照嚴督堵截夾勦施行

及時分發收糴關監軍道

據石城縣申稱見奉監軍道發下餉銀五百兩仰縣多方買辦糧米預備支應緣照先奉分巡嶺西監軍道憲牌仰縣多備行糧已經支運過米九百一十石零六斗并化州茂名各解米二百石亦已支盡本縣地方殘破再難措處已經具由請詳伏乞催行化州茂名等處嚴糴運濟等因到道據此看得石城烟戶稀少饑饉存臻重當殘破之後貯積無多

即雖嚴行催督該知縣常俊民委曲經營計
恐數終不足箕歛頭會諒亦無補急需化州
茂名圖里稍寬電白地方舊稱饒裕雖經破
陷之後鄉團民戶尚有贏餘所以穀值不甚
翔貴至於轉輸之費民力之勞又自是勢不
容已惟稍寬其募值不獨無損貧困或亦民
意所樂趨也為此合關貴道再為計處別捐
數百金分發前項州縣廣為收糴就貯各倉
聽票轉運軍前隨地給足庶山城不致重困

希由速報施行

犒兵將行雷州府

為兵經苦戰功賞未酬合行犒賞以振士氣
事照得本道暨總兵張親督大兵追剿倭
寇以地方憂患相同不復分別信界自十九
日由石城越入遂溪界內再敗賊徒即復隨
賊向往轉為攻擊兵行亦云勞矣戰亦苦矣
除級功陞賞及戰傷陣亡照格另行優恤外
合行犒賞用振士鋒為此牌仰雷州府即便

動支堪用官銀照依後開等則委官管押齎送軍前以薄致牛酒之犒此自入雷州界內所未舉也即復據報兩宗合夥若非大兵剿殺地方安危可慮方大元不可無優處以勸且本鎮以本道牌行究查退縮將哨長葉太斬首徇衆罰已行矣而賞不舉於事體兵情亦殊為未妥也俱毋違錯未便

計處收糴之宜關監軍道

先准練兵監軍道關報已行化州支銀三百